

广东通志

广东通志

廣東通志卷二百五十五

甲子重刊

宦績錄二十五

國朝一

佟養甲

李棲鳳

李宰泰

王國光

周有德

金光祖

吳興祚

石琳

郭世隆

楊琳

孔毓珣

阿克敦

陳大受

班第

陳宏謀

俱總督

董應魁

王來任

劉秉權

李士正

朱宏祚

蕭永藻

彭鵬

石文晟

楊宗仁

子文乾

鄂彌達

王暮

王安國

託庸

德保

李湖

朱珪

俱巡撫

張純熙

巡按

國朝

佟養甲字陸海奉天人從

龍世閔隨貝勒克圖授兩廣總督奉

命平定百粵順治三年偕提督李成棟統師入潮州先遣

聞衿黃夢麒宣諭威德潮人赴關迎附時羣盜黃
海如劉公顯等各擁衆數萬分據諸縣養甲剿撫
並用盜各歸順由惠八廣撫循難民以次削平山
寇招徠新附四年順德亂民余龍等以巨舶數百
圍廣州養甲水陸邀襲龍敗走七月故指揮楊可
觀等欲以城應賊養甲斬以徇俘其黨三千餘人
時羽書旁午帶甲縱橫養甲善於控馭凡糗糧餽
牽之借索者樵蘇菟獫之蹂藉者約束嚴明民咸
賴焉粵土初平諸司未及銓授養甲妙選幹員慎
簡廉吏劣者置諸法不少寬五年戊子歲饑養甲
捐金平糶存活甚衆是年成棟以肇慶叛脅養甲

下從死之康熙二十三年祀名宦

金志

李棲鳳字瑞梧奉天人爲諸生卽以天下爲已任
由內院副理事官歷東昌荆南道遷湖廣右藩巡
撫安徽所至有政績順治六年平靖兩藩統師平
粵

世祖章皇帝念巡撫重任必得才略兼優威望素著始稱
是職

特簡棲鳳以僉都御史撫粵棲鳳與兩藩先定南韶二郡
揚帆直下廣州遂平棲鳳軍容整肅諸將凜凜莫
敢仰視剿撫並用動合機宜撫粵八年杜請托絕
饋遺省刑薄歛勞來安集粵民賴之頻年山海叛

服不常雨藩羽檄交馳棲鳳居中調停陰受和平之福尋加兵部侍郎巡撫如故順治十一年始開制府以李率泰典軍事而民瘼政治則資棲鳳爲擘畫十四年考滿加兵部尙書

賜表裏緞有加十五年率泰遷浙閩總督去以棲鳳代時西省潯南兩郡未平東省尙多伏莽棲鳳受事五月卽檄調梧柳高廉各鎮三路進軍恢廓兩郡東粵積年巨盜如鄧耀黃占三王興楊二蕭國隆俱相繼就縛各烏蠻土司暨交趾諸郡讐服歸貢十七年加太子少保十八年

予告歸卒於家

命官祭之棲鳳在粵十二年粵人思之祀名宦

志

李率泰字壽籌滿洲人由勲衛仕爲刑部侍郎初從

王師定三吳下閩粵素著威望順治十年以兵部侍郎總督兩廣入境卽劾貪污輕徭役西逆李定國由粵西柳州入高州道經雷廉縱兵屠戮平藩標下副將陳武參將李之珍高州守將張月督兵至石城青頭營與戰失利之珍趨電白月還高州欲挽武共降武不從乃私納款賣武以降定國人高州重徵疊派民甚苦之遣兵圍新會兩次不下十月定國親至督戰知縣黃之正募死士何廷賓潛行

水中以蠟書請援率泰簡發軍卒未及至而西山
城陷民亟輦石完之十一月攻益急堅城以守定
國伐木填濠與城齊城中人沃膏焚之弗得登明
年二月糧盡爲謀者所知定國遂罷攻築長圍爲
持久計守陴者哭之正亦計無所出適率泰親操
一軍至所檄兵亦集迺以是月十八日戰於河頭
將軍朱馬喇領滿漢兵與平靖兩藩燃火箭返其
象陣定國大敗遁去遂復高雷諸郡先是新會被
圍城中食盡守者人相食徧掠城內婦女率泰力
言於平藩釋者千人民爲立李公祠尸祝之以報
碩德旋奉

恩命擢兵部尙書遷浙閩總督後卒於閩

同上

王國光隸正紅旗漢軍年十四勇敢善戰崇德中

以副都統兼戶部參政八年從克前屯衛中後所

二城順治初剿流賊孫守法等于西安討平叛鎮

姜壤擊敗李定國等于永州破海賊鄭成功于舟

山皆厯著戰功十三年授兩廣總督加太子太保

爲政嚴明果斷十八年授鎮海將軍駐防潮州康

熙三年馘碣石叛將蘇利等先後叙功晉一等男

卒

大清一統志

祀名宦

郝志

潮州府志康熙三年甲辰續遷海界土弁蘇利據

碣石倡亂遣其黨刼掠潮陽惠來將軍王國光發兵剿之斬馘千餘餘黨奔潰利逸去旋獲之斬於

門

周有德漢軍鑲紅旗人順治五年以宏文院編修
隨英親王征大同叛鎮事平授侍讀厯遷宏文院
學士康熙六年擢兩廣總督七年

聖祖軫念民生遣都統特錦等會勘廣東海界兵防俾民
復業是時遷界民人頗苦失業聞沿邊設守許遷
戶仍歸舊地靡不踴躍歡呼有德因疏言海邊遼
闊若俟勘界既周始行安插尙需時日窮民迫不
能待請卽於勘度設兵之時檄牧令按遷戶版籍
給還故業俾得裕其生計得

旨允行是年有德丁外艱平南王尙可喜以沿海兵民並
藉經營安輯疏請畱之

命在任守制先是從化清遠增城三水河源等縣因蠶戶
周王李榮叛亂總督盧崇峻奏撥藩下及督提兩
標兵分駐防守賊平後居民以客兵雜處爲累八
年有德疏請撤分駐之兵各歸原標部議報可粵

民德之

採訪冊

金光祖滿洲人兩粵寇平制府特資咸望

聖祖仁皇帝以光祖從

龍舊佐擢任時康熙十二年也甫下車謁

聖廟嗟典儀簡陋爰訪類官舊制增翟籥笙祝之器
習登拜升降之儀於是圖橋以觀髦士蔚起粵自
兩藩駐劄已三十年凡米穀魚鹽芻茭布帛之屬

市僧侵漁利歸王府小民腴削光祖禁之取尤黠者寘諸法民乃安堵又粵東多商粵西多農布帛菽粟兩相便也自藩吏肆擾兩江之船遂不往來光祖聽民自爲市糴錢穀流通粵處天末八旗重鎮皇華使者雲合霧集民疲奔命光祖悉列其弊請於藩府無藝之徵少息矣康熙二十年滇黔煽亂

命光祖率領大軍進剿光祖聞

旨慷慨誓師未幾雲南平紀功司勳其偏裨卒伍寸勞薄伐亦得議叙以故爭先用命光祖歿士民感其德

請祀澤宮

郝志

吳興祚字伯成號畱村正紅旗人初任江南無錫令康熙十四年耿逆披猖隨

王師平閩以功署觀察使及臺灣底定遂超遷閩撫康

熙二十一年

特命總制兩粵入境之日相度機宜部署廢藩綠旗官兵分左右翼左鎮廣州右鎮韶州制軍坐鎮上游控御全粵得阨要之勢逆藩尙之信以罪誅遣孽猶擅鹽鐵重利興祚釐剔甦民東安之河頭西趨高涼直抵瓊州舟車輻輳百貨鱗集奸猾胡從等據市籍率二十而算一緡興祚杖而逐之潮之廣濟橋閩粵衝衢歲久圯傾民皆病涉興祚捐白金四

萬兩重葺到今利焉粵錢法壅滯興祚設局鼓鑄
經畫悉協錢乃流通至于招墾荒嚴營汛春秋耀
旅闢場聲振林木海不揚波苗蠻歸化自崧臺解
組待

命五羊猶躡屐花田泛舟珠海與騷人墨客吟詠唱和所
著有宋元聲律選及史遷句解歸

朝後復出爲古北口都統卒于官訃至兩粵之人奔走
聚哭祀名宦

石琳字瑯公滿洲正白旗人父某開國元勳封忠
勇伯琳第六子也初由佐領禮部郎中擢山東觀
察使歷任浙藩開府滇楚所在建祠尸祝康熙癸

西

特簡總督兩廣下車相險阻水陸營堡碁置星布宵旰屏
跡康熙三十五年東粵告饑乞糴于西西人遏糴
琳爲通融法爰有泛舟之役復解俸散給糜粥存
活甚衆瀧江羚羊峽當西流之衝暴水潰堤琳朝
服立堤上刑馬沉玉禱于江躬負薪塞堤水卽退
康熙辛巳決黎讞于瓊南殲渠魁釋株連民用大
定壬午猺人肆擾其窟穴八排在萬山之中琳提
師會剿深入其阻蠻烟瘴雨中人腎胃而琳憊矣
琳官粵一十四年分圖甲而錢糧清革私稅而商
賈悅恤獄囚而痼癘鮮嚴海防而盜風息重文行

而士勸學禁鬻女而民興慈流風善政之在人者
蓋百世不諼者也猶人平復輿疾會讞廣州

聖祖仁皇帝命使者齋藥存問琳拜

恩泣不能起登舟歸數日病革遂卒百姓巷哭聲相聞

聖祖遣官致祭粵東西之民相與肖其貌而祀之兄子文

晟撫粵別有傳

郭世隆號常伯奉天人康熙四十三年總督兩廣
廉而仁明而能斷粵人重之世隆念粵地濱海海
防爲亟酌其宜汰者順德密邇省會無憂弱總兵
官宜從減酌其宜增者大鵬平海二營海道紆雜
澄海協與南澳對峙甚衝要急須水師宜從益酌